



ДИСЦИПЛИНА
«Қазақстан тарихы»

Мемлекеттік емтихан
ЭССЕ

“Менің туған күнімдегі Қазақстан тарихындағы оқиғалар”

Орындаған Цифрлық инженерия мамандығының 2-курс

студенті :Доқтырбай Анел

Тексерген ассистент-профессор: Рахимкулов Даутхан

Айтжанович

АЛМАТЫ

2024

Менің туған күнімдегі Қазақстан тарихындағы оқиғалар

Тарихтың маңызды беттері көбінесе жылдармен және ғасырлармен өлшенеді, алайда кейде тарихтың бастауы бір ғана күннен басталады. Әрбір күн өзінің мәнін уақыт өте келе ғана аша алады. 2006 жылдың 17 маусымы осындай күндердің бірі болды. Бір ғана күнде, елдің өмірінде ерекше өзгерістер мен оқиғалар орын алды, бірақ сол уақытта бұл оқиғалардың ұзақ мерзімді мәні толық түсінікті болмаған еді. Сол күннің маңызы кейінірек айқындалып, Қазақстанның экология, мәдениет, экономика және әлеуметтік дамуы бойынша маңызды қадамдар жасалғанын көрсетті.

2006 жылдың 17 маусымы менің өмірім үшін ерекше орын алады. Дәл осы күні жаз мезгілінде дүниеге келген болатынымын. Арада он жеті жыл өткен соң, менің туған күніммен сәйкес келген күнде Ұлттық Бірыңғай Тестілеу тапсырдым және 110 балл жинадым. Бұл менің жеке жетістігім болды, әрі ата-анам үшін де ерекше қуанышқа толы сәт еді. Олардың қолдауы мен сенімі сол күні менің болашағымды айқындауға түрткі болды. Отбасымыз үшін бұл күн ерекше сезімдерге толы, ұмытылмас сәт ретінде есте қалып, ұлттық деңгейдегі өзгерістермен ұштасты.

Бұл күні Қазақстан тарихында орын алған оқиғалар менің туған күніммен тікелей байланысты болды. Мысалы, дәл осы күні Қазақстан Президенті Нұрсұлтан Назарбаев Астана қаласын жасыл белдеумен қоршау туралы бастаманы жариялады. Бұл шара қаланың экологиялық ахуалын жақсарту, ауаның ластануын азайту және қала тұрғындарының өмір сапасын арттыру мақсатында қабылданды. Астананың айналасын жасыл белдеумен қоршау — бұл қаланың экологиясын сақтау және табиғатты қорғау үшін маңызды қадам болды. Газет мәліметтері бойынша, бұл бастама аясында 40 мың гектар жерге 70 миллионнан астам көшет отырғызылды және 14 мың гектар орман алқабы құрылды (Егемен Қазақстан, 2008:2). Бұл бастама мен үшін тек экология үшін ғана емес, ұрпақтарға табиғатқа деген жауапкершілікті қалыптастыру үшін де маңызды болды. Бұл шешім менің экологияға деген көзқарасымды өзгертіп, табиғатты сақтау маңызды екенін түсінуге себеп болды.

Қазақстанның жасыл белдеуі мен үшін — адамның табиғатпен үйлесімді өмір сүруінің үлгісі.

Одан бөлек, 17 маусымда ҚазАқпарат агенттігі де қазақ халқының мәдени мұрасын сақтау мақсатында маңызды бастаманы жариялады. «Мәңгілік сарын: қазақтың 1000 күйі мен 1000 әні» музыкалық антологиясының таныстырылымы өтті (ҚазАқпарат, 2006:4). Бұл жоба қазақ мәдениетінің маңызды бөлігін сақтау мен болашақ ұрпаққа жеткізу мақсатында үлкен

қадам болды. Мәдени мұраны сақтау менің ойымша, біздің ұлттық құндылықтарымызды болашақ ұрпаққа табыстаудың бір жолы. Осы жобаның маңыздылығын терең түсіну үшін оның елдегі мәдени даму мен ұлттық бірлікті нығайтудағы орны туралы айту қажет. Бұл шара мен үшін ұлттық өнеріміздің сақталуының қажеттігін әрі мәдени мұраның ұрпақтан-ұрпаққа аман-есен жетуі үшін басты қадам екенін айқындады.

Жоғарыда аталған экологиялық және мәдени шаралармен қатар, 2006 жылдың 17 маусымында Айқын газеті шетелдік инвесторлар кеңесінің пленарлық отырысы туралы хабарлады. Бұл отырыс шетелдік инвестициялар тарту арқылы Қазақстанның экономикалық дамуын қолдауға бағытталған болатын (Айқын, 2006:3). Менің ойымша, шетелдік инвестициялар Қазақстанның әлемдік нарықта бәсекеге қабілетті болуына мүмкіндік береді. Осы экономикалық бастаманың нәтижесінде Қазақстанның халықаралық деңгейдегі орны нығайды. Бұл оқиға еліміздің әлемдік экономикадағы орнының нығаюы жолындағы маңызды қадам болып табылады.

Сонымен қатар, әлеуметтік тұрақтылықты қамтамасыз ету үшін қабылданған реформалар туралы Қазақ Үні газеті жариялаған болатын (Қазақ Үні, 2006:1). Әлеуметтік әділдік пен теңдік қоғамның тұрақтылығын қамтамасыз ету үшін маңызды. Бұл бастама менің қоғамға деген жауапкершілігімді күшейтті. Қоғамдық тұрақтылық пен әділдік мәселелері тек әлеуметтік реформаларға ғана емес, сонымен қатар адамдар арасындағы сенімді нығайтуға да әсер етеді. Және де, Рапогата газеті 2005 жылдың 17 маусымында жариялаған «Бекіре-2005» экологиялық акциясы туралы хабарлама да мен үшін маңызды оқиға болды. Бұл шара Қазақстанның табиғи ресурстарын қорғау және браконьерлікпен күресуге бағытталған болатын (Рапогата, 2005:5).123:13 Бұл бастамалар елдегі экологиялық жағдайды жақсарту мен табиғат қорғау бағытында үлкен мәнге ие.

2006 жылдың 17 маусымы мен үшін ерекше күн ретінде тарихта қалды. Бұл күн тек менің өмірімдегі маңызды оқиғалармен ғана емес, Қазақстанның дамуындағы шешуші қадамдармен де ерекшеленді. Астана қаласының экологиялық бағдарламалары мен мәдени мұраларды сақтау бастамалары еліміздің болашағына бағыт берді. Осы күн мен үшін тарихи оқиғалар мен жеке жетістіктердің бір мезетте тоғысқан сәті болды.

Пайдаланылған әдебиеттер:

1. Айқын. (2006, 17 маусым). Шетелдік инвесторлар кеңесінің пленарлық отырысы Қарағандыда өтті. №17, 3-бет.
2. Егемен Қазақстан. (2008, 17 маусым). Астананы жасыл белдеумен қоршау туралы мақала. №15, 2-бет.
3. ҚазАқпарат. (2006, 17 маусым). Мәңгілік сарын: қазақтың 1000 күйі мен 1000 әні жобасының таныстырылымы. №8, 4-бет.
4. Қазақ Үні. (2006, 17 маусым). Қазақстанның әлеуметтік саясаты туралы мақалалар. №22, 1-бет.
5. Рапогата. (2005, 17 маусым). Бекіре-2005 балық қорғау акциясы туралы. №12, 5-бет.